



Na osnovu čl.: 56., 95., 99. i 100. Zakona o visokom obrazovanju Zeničko-dobojskog kantona (Službene novine Zeničko-dobojskog kantona, broj: 12/22) i Odluke Senata Univerziteta u Zenici, broj: : 01-02-5-2571/23 sa sjednice održane 13.07.2023. godine, objavljuje se

KONKURS
za upis kandidata na I godinu III ciklusa (doktorski studij) na Islamskom
pedagoškom fakultetu Univerziteta u Zenici u akademskoj 2023/2024.
godini.

U akademsku 2023/24. godinu prima se:

1. Na Odsjek za islamsku vjeronauku – 7 vanrednih studenata.
2. Na Odsjek za socijalnu pedagogiju -3 vanredna studenata
3. Na Odsjek za predškolski odgoj i obrazovanje – 3 vanredna studenata.

Doktorski studij organizuje se i izvodi za sticanje akademskog stepena:

- Doktor humanističkih nauka – oblast: Religijske nauke,
- Doktor društvenih nauka – oblast: Socijalna pedagogija,
- Doktor društvenih nauka – oblast: Predškolski odgoj i obrazovanje.

Doktorski studij na Islamskom pedagoškom fakultetu Univerziteta u Zenici traje 3 (tri) godine, odnosno 6 (šest) semestra.

Početak izvođenja naučno-nastavnog procesa utvrđuje se posebnom odlukom NNV Fakulteta i realizovat će se ako bude upisano minimalno 7 studenata.

Doktorski studij mogu upisati:

- na Odsjek za islamsku vjeronauku: kandidati koji su završili master studij islamske vjeronauke, islamskih nauka, religijske pedagogije, te komplementarnih društvenih i humanističkih nauka i time stekli 300 ECTS bodova;
- na Odsjek za socijalnu pedagogiju i Odsjek za predškolski odgoj i obrazovanje kandidati koji su završili master studij socijalne pedagogije, odgojnih nauka, područja primarnog obrazovanja i ranog i predškolskog odgoja i obrazovanja, edukacijsko-rehabilitacijske nauke, sociologije, psihologije i kineziologije, te drugih polja u okviru društvenih nauka;
- na Odsjek za islamsku vjeronauku: kandidati koji su stekli zvanje magistra nauke na studiju religijske pedagogije, pedagogije i srodnih humanističkih i društvenih nauka, po pred bolonjskom studijskom programu. Za ove kandidate Vijeće dokorskog studija će donijeti



odluku o tretiranju takvih kandidata, odnosno odrediti njihove obaveze na doktorskom studiju;

– na Odsjek za socijalnu pedagogiju i Odsjek za predškolski odgoj i obrazovanje kandidati koji su završili magistarski studij pedagogije, odgojnih nauka, područja ranog i predškolskog odgoja i obrazovanja i srodnih društvenih nauka, po pred bolonjskom studijskom programu.

Za ove kandidate Vijeće dokorskog studija će donijeti odluku o tretiranju takvih kandidata, odnosno odrediti njihove obaveze na doktorskom studiju;

– kandidati koji su diplomirali na fakultetima islamske, religijske ili opće pedagogije, te društvenih i humanističkih nauka na univerzitetima u inostranstvu, a kojima je nostrificirana diploma u Bosni i Hercegovini, te njihov akademski status odgovara statusu magistra struke ili magistra nauka.

Strani državljani prijavljuju se na konkurs pod uslovima predviđenim Statutom Univerziteta u Zenici i Pravilima Fakulteta.

Svaki kandidat koji želi upisati studij prilaže molbi kratku biografiju, diplomu o stečenom zvanju magistra nauke i stečenih 300 ECTS bodova, uvjerenje o položenim ispitima sa master studija, uvjerenje o aktivnom poznavanju engleskog, arapskog ili drugog za studij relevantnog stranog jezika, objavljene naučne ili stručne radove, izlaganja sa stručnih ili naučnih skupova na kojima je učestvovao, potvrde o učestvovanju na ljetnim školama ili drugim tečajevima iz religijske, opće, socijalne i predškolske pedagogije, islamske vjeronauke i mekapske nastave, te društvenih i humanističkih nauka, potvrde o učestvovanju ili saradnji na naučnim ili stručnim projektima.

Detaljnije informacije o uvjetima upisa i studija (Nastavni plan i program, visina školarine i slično) mogu se dobiti u nadležnoj službi Sekretarijata Islamskog pedagoškog fakulteta Univerziteta u Zenici i na web stranici Fakulteta www.ipf.unze.ba.

Kontakt telefon 032 / 402-785.

Nepotpune prijave neće se uzimati u razmatranje.

Konkurs za upis studenata u prvu godinu III (trećeg) ciklusa studija na Islamskom pedagoškom fakultetu Univerziteta u Zenici (Doktorski studij) u akademskoj 2023/2024. godini traje 30 dana od dana objavljivanja u dnevnim novinama i na web stranici fakulteta.

UNIVERZITET U ZENICI
ISLAMSKI PEDAGOŠKI FAKULTET U ZENICI
72000 ZENICA, ulica Bilmišće bb
sa naznakom (Prijava za upis na doktorski studij)

Konkurs objavljen u dnevnom listu Večernji list BIH dana 24.10.2023.godine